

大方廣佛華嚴經入不思議解脫境界普賢行願品

卷第二十

唐罽賓國三藏般若奉詔譯

爾時寶華燈城北有菩提樹名普光徧照法雲聲幢
以念念顯示一切如來莊嚴道場金剛堅固摩尼寶
王而爲其根一切摩尼以爲其幹眾裸妙寶以爲其
葉枝條華果次第分布並相稱可四方上下圓滿莊
嚴放種種色寶燄光明出妙音聲演說一切諸佛如
來自在神通甚深境界於彼樹前有一香池名寶華
光法雲聲香水盈滿妙寶爲岸百萬億那由他寶樹

圍繞一一樹形如菩提樹。眾寶璽瑠璃周匝垂下。復有無量宮殿樓閣。眾寶所成。周徧道場。以為嚴飾。彼香池內。出大蓮華。名普現三世一切如來莊嚴境界。雪須彌山極微塵數如來。於中出現。其第一佛名普智寶。能吉祥威德。王於此華上。最初得阿耨多羅三藐三菩提。無量千歲演說妙法。成熟眾生。其彼如來未成佛時。十千年中。菩提樹王放大光明。顯現神通。成熟眾生。所謂十千年前。放淨光明。名一切眾生離垢。若有眾生遇斯光者。心自開悟。知十千年後佛當出現。九千年前。放淨光明。名具足無垢吉祥藏。若有

眾生遇斯光者。得清淨眼。見一切色。知九千年後佛當出現。八千年前。放大光明。名一切眾生業果音聲。若有眾生遇斯光者。悉能自知業海差別種種果報。知八千年後佛當出現。七千年前。放大光明。名生一切善根音聲。若有眾生遇斯光者。一切善根悉皆圓滿。知七千年後佛當出現。六千年前。放大光明。名佛不思議境界音聲。若有眾生遇斯光者。其心廣大。普得自在。知六千年後佛當出現。五千年前。放大光明。名嚴淨一切佛刹音聲。若有眾生遇斯光者。悉見一切清淨佛土。知五千年後佛當出現。四千年前。放大

光明名一切如來境界無襍亂燈若有眾生遇斯光
 者悉能深入如來境界徧一切處往觀諸佛知四千
 年後佛當出現三千年前放大光明名一切眾生普
 照三世現前燈若有眾生遇斯光者悉能現見一切
 如來諸本事海知三千年後佛當出現二千年前放
 大光明名三世智電燈若有眾生遇斯光者則見一
 切如來過去相應行海知二千年後佛當出現一千
 年前放大光明名如來無翳智慧燈若有眾生遇斯
 光者具足普眼能見諸佛神通變化淨一切刹知一
 千年後佛當出現一百年前放大光明名令一切眾

生皆得見佛集諸善根若有眾生遇斯光者則得成
 就見佛三昧知百年後佛當出現次七日前放大光
 明名一切眾生大喜愛樂音若有眾生遇斯光者則
 得見佛能生愛敬知七日後佛當出現善男子如是
 種種無量無邊清淨光明十千年中乃至七日調伏
 眾生令其成熟滿七日已一切世界悉皆震動純一
 清淨無諸穢雜念念普現十方一切清淨佛刹亦現
 彼刹種種莊嚴若有眾生根性淳熟應見佛者咸詣
 道場爾時彼世界中一切輪圍一切須彌一切諸山
 一切河海一切大地一切城邑一切垣牆一切宮殿

一切音樂一切寶具一切瓔珞一切語言皆出音聲。
讚說一切諸佛如來神通境界變化莊嚴。又出一切
香雲一切燒香雲一切末香雲一切塗香雲一切香
摩尼形像雲一切摩尼衣雲一切寶燄雲一切燄藏
雲一切瓔珞雲一切妙華雲一切音樂雲一切如來
光明雲一切如來圓光雲一切如來願聲雲一切如
來言音海雲一切如來種種相好色光明雲顯示如
來出現世間不思議相善男子。此普現三世一切如
來莊嚴境界大寶蓮華王有十佛刹極微塵數妙寶
蓮華以爲眷屬周布圍繞其諸蓮華一一臺上皆有

摩尼寶師子座一一座上皆有菩薩結跏趺坐善男
子。彼普智寶燄吉祥威德王如來於此成阿耨多羅
三藐三菩提時。卽於十方一切世界成阿耨多羅三
藐三菩提。隨眾生心悉現其前爲轉法輪於一一世
界。令無量眾生離惡道苦。令無量眾生入天中。令
無量眾生住於聲聞辟支佛地。令無量眾生成就出
離菩提之行。令無量眾生成就無垢勇猛幢菩提之
行。令無量眾生成就清淨法光明菩提之行。令無量
眾生成就威德清淨根菩提之行。令無量眾生成就
隨順平等力菩提之行。令無量眾生成就現前入法

城菩提之行。令無量眾生成就徧至一切處不可壞
 神通力菩提之行。令無量眾生普於十方一切如來
 應正等覺。生希有心。安住平等菩提之行。令無量眾
 生安住三昧門菩提之行。令無量眾生成就緣一切
 清淨境界菩提之行。令無量眾生發菩提心。令無量
 眾生住菩薩道修菩薩行。令無量眾生安住清淨波
 羅蜜道。令無量眾生住菩薩初地。令無量眾生安住
 菩薩二地三地乃至十地。令無量眾生入於菩薩殊
 勝行願。令無量眾生安住普賢清淨行願。善男子。彼
 普智寶欲吉祥威德王如來。現如是等佛不思議自

在神力轉法輪時。於彼一一諸世界中。隨其所應。念
 念調伏教化成熟無量眾生。時普賢菩薩。知寶華燈
 王城中眾生。自恃色貌及諸境界。放逸憒醉而生驕
 慢。為欲調伏彼眾生。故化現妙身。端正殊特。往詣彼
 城。放大光明普照一切。令彼聖王及諸妙寶。日月星
 宿寶樹寶衣摩尼瓔珞眾生身等。一切光明威德端
 嚴。悉皆不現。譬如日出眾星奪耀。亦如聚墨對閻浮
 金。時諸眾生各心念言。此為是誰。為天為梵。今放此
 光。曠蔽一切。令我等身所有威德。光色端嚴。皆不顯
 現。種種思惟無能解了。爾時普賢菩薩在彼輪王宮

殿之上虛空中住。而告之言。大王當知。今汝國中有
 佛出興。在普光徧照法雲聲幢菩提樹下。時輪王女
 普喜吉祥蓮華眼。見普賢菩薩所現色身。光明自在。
 及聞身上種種瓔珞諸莊嚴具。所出妙音。生愛敬心。
 生歡喜心。生深信心。作如是念。願我所有一切善根。
 得如是身。如是莊嚴。如是相好。如是威儀。如是神通。
 如是威德。今此大聖。能於眾生生死長夜黑闇之中。
 放大光明。顯示如來出興於世。願令於我。亦得如是。
 為諸眾生。作智光明。破彼所有無知黑闇。願我所在
 受生之處。常得不離此善知識善男子。時毗盧遮那

寶蓮華藏妙吉祥髻轉輪聖王。與其寶女千子眷屬
 大臣輔佐。七寶四兵。及其城內無量人眾。前後圍繞。
 以王神力。俱昇虛空。高一由旬。放大光明。照四天下。
 普使一切咸得瞻仰。欲令眾生俱往見佛。以偈讚曰。

佛今已出於世間	普救一切諸羣品
汝等宜應速發心	往詣最勝導師所
經於無量俱胝劫	乃有如來興出世
開示甚深微妙法	普為利樂諸眾生
佛觀一切諸世間	顛倒無明常翳惑
生死逼迫輪迴苦	而起救護大悲心

無數千萬俱胝劫
 成就最勝大悲心
 頭目耳鼻身手足
 爲證甘露佛菩提
 過於無量俱胝劫
 見聞供養及親承
 我今與汝俱往詣
 爲轉無上大法輪
 汝應觀佛妙色身
 種種妙色咸清淨

修習種種菩提行
 普滅一切眾生苦
 如是一切皆能捨
 經於無量無邊劫
 出世導師難可遇
 一切獲益無空過
 觀彼最勝調御師
 道樹降魔成正覺
 放無邊際光明網
 除滅眾生惑苦暗

從於一一毛孔中
 徧照一切諸羣生
 汝等各各應思念
 卽時同詣彼如來

普放無數光明雲
 咸令愛敬心歡喜
 發起廣大精進心
 親近至誠而供養

爾時轉輪聖王說偈讚佛開悟國內一切眾生已從
 輪王善根。出十千種大供養雲往詣道場。向如來所
 所謂出一切寶蓋雲。一切華帳雲。一切寶衣雲。一切
 香海雲。一切寶座雲。一切寶幢雲。一切宮殿雲。一切
 妙華雲。一切寶鈴網雲。一切莊嚴具雲。於虛空中周
 徧嚴飾到已。頂禮普智寶燄吉祥威德王如來足。右

繞無數百千萬市。即於佛前坐。普照十方光明。摩尼寶蓮華座。時輪王女普喜吉祥蓮華眼。即解身上一切瓔珞諸莊嚴具。持以奉散。時莊嚴具於虛空中變成大摩尼寶蓋。有種種色摩尼寶網。周布垂下。一切龍王共所執持。一切宮殿於中間列。十種寶蓋眷屬圍繞。形如樓閣。內外清淨。諸瓔珞雲徧覆其上。及諸寶樹香海摩尼種種妙飾。以為嚴好。於此蓋中。有菩提樹。枝葉榮茂。普覆法界。念念示現無量莊嚴。毗盧遮那如來坐此樹下。有不可說不可說佛刹極微塵數菩薩前後圍繞。一切皆從普賢菩薩行願出生。住

諸菩薩不可思議無差別住。亦見一切諸世間主。合掌瞻仰圍繞如來。亦見一切如來自在神通之力。又見一切諸劫次第。世界成壞。又亦見彼一切世界。一切諸佛出興次第。又亦見彼一切世界。一一皆有普賢菩薩種種供養一切如來。種種調伏一切眾生。又亦見彼一切菩薩及其自身。莫不皆在普賢身中。亦見自身在一切如來前。一切普賢前。一切菩薩前。一切眾生前。又亦見彼一切世界。一一各有佛刹極微塵數世界。種種際畔。種種任持。種種形狀。種種體性。種種安布。種種莊嚴。種種清淨。種種莊嚴雲而覆其

上種種劫名種種佛興種種三世種種方處種種住
 法界種種入法界種種住虛空種種菩薩莊嚴種種
 菩薩住處種種如來菩提場種種如來神通力種種
 如來師子座種種如來大會海種種如來眾差別種
 種如來巧方便種種如來轉法輪種種如來妙音聲
 種種如來言說海種種如來契經雲既見是已其心
 清淨生大歡喜時彼如來爲此女人說修多羅名一
 切如來轉法輪音十佛刹極微塵數修多羅而爲眷
 屬時彼女人聞此經已即得成就十千三昧門身心
 柔軟無有麤強如初受胎如始誕生如娑羅樹初始

生芽彼三昧心柔軟可愛亦復如是所謂現見一切
 佛三昧普照一切刹三昧深入一切三世門三昧瀟
 說一切佛法輪三昧了知一切佛願海三昧開悟一
 切眾生令出生死苦三昧常願破一切眾生闇三昧
 常願滅一切眾生苦三昧常願生一切眾生樂三昧
 教化一切眾生不生疲厭三昧一切菩薩住一切地
 自在莊嚴三昧一切菩薩無障礙幢三昧普詣一切
 清淨佛刹三昧得如是等十千三昧已復得微細等
 引謂不動心歡喜心安慰心普光照心順善知識教
 心緣甚深一切智心隨順慈無量教行心捨離一切

執著心不住一切世閒境界心深入如來境界心普
 照一切佛色相海心不散亂心不飄動心無障礙心
 無高下心無疲倦心無退轉心得自在心離懈怠心
 正念諸法自性心安住一切法門海心修行一切法
 門海心了知一切眾生海心救護一切眾生海心普
 照一切世界海心普生一切佛願海心悉破一切障
 礙山心積集廣大福聚心現見如來十力心普照菩
 薩境界心增長菩薩助道心徧緣一切方海心一心
 思惟觀察普賢所有大願發一切如來十佛刹極微
 塵數平等願海所謂願嚴淨一切佛國願成熟一切

眾生願徧知一切法界願普入一切法界海願於一
 切佛刹盡未來劫修菩薩行願盡未來際劫不捨一
 切眾生願得親近一切如來願得承事一切善友悉
 令歡喜願得供養一切如來悉令徧滿願於念念中
 修菩薩行增一切智無有間斷發如是等十佛刹極
 微塵數願海成就普賢所有大願海時彼如來復為
 其女開示演說發心已來所種善根所修妙行所得
 大果令其開悟甚深信解成就如來圓滿廣大所有
 願海一心趣向一切智位善男子復於此前過十大
 劫有世界名日輪光照摩尼王佛號因陀羅幢吉祥

相時此蓮華眼女於彼如來遺法之中普賢菩薩勸其修補蓮華座上故壞佛像既修補已而復彩畫既彩畫已復寶莊嚴發阿耨多羅三藐三菩提心善男子我念過去由普賢菩薩善知識故種此善根從是已來不墮惡趣常於一切天王人王種族中生一切生處身形殊妙端正可喜色相圓滿令人樂見常見於佛常得親近普賢菩薩令我憶持所得法門乃至於今示導開悟成熟於我令生歡喜善男子於意云何爾時毗盧遮那寶蓮華藏妙吉祥轉輪王者豈異人乎今彌勒菩薩是也是時王妃具足圓滿吉祥

面者具足功德寂靜音海夜神是也今所住處去此不遠時普喜吉祥蓮華眼童女者即我身是我於昔時身為童女普賢菩薩勸我修補蓮華座像以為無上菩提因緣令我發阿耨多羅三藐三菩提心我於彼時初始發心次復引導令我得見普智寶燄吉祥威德王如來解身瓔珞散佛供養見佛神變聞佛說法即得菩薩普現一切世間調伏眾生解脫門從是得見須彌山極微塵數佛我皆尊重恭敬供養聽彼如來種種說法聞法歡喜依教修行於念念中常得見彼一切如來及彼佛刹菩薩大會善男子過彼毗

盧遮那威德吉祥世界無垢圓滿劫已。次有世界名
 摩尼輪種種妙色莊嚴劫名大光有五百佛於中出
 現我皆承事恭敬供養令其歡喜其最初佛名大悲
 雲幢我為夜神見佛出行恭敬供養次有佛出名金
 剛那羅延幢我為輪王親近承事恭敬供養時佛為
 我說修多羅名一切佛出現十佛刹極微塵數修多
 羅以為眷屬我皆受持次有佛出名金剛無礙德我
 於彼時為轉輪王恭敬供養其佛為我說修多羅名
 普照一切眾生根須彌山極微塵數修多羅而為眷
 屬我皆受持次有佛出名火燄山吉祥莊嚴我於彼

時為長者女供養恭敬其佛為我說修多羅名普照
 三世藏莊嚴閻浮提極微塵數修多羅而為眷屬我
 皆受持次有佛出名一切法海高勝王我為天王恭
 敬供養其佛為我說修多羅名分別一切法界智五
 百修多羅而為眷屬我皆受持次有佛出名甚深法
 吉祥海光我於彼時為龍王女雨如意摩尼寶雲而
 為供養其佛為我說修多羅名速疾增長歡喜海百
 萬億那由他修多羅而為眷屬我皆受持次有佛出
 名寶峯光燄燈我為海神雨寶蓮華雲親近承事恭
 敬供養其佛為我說修多羅名法界方便海光明佛

刹極微塵數修多羅而為眷屬我皆受持。次有佛出
 名功德海光照圓滿吉祥。我於彼時為五通仙。現大
 神力。六千諸仙眷屬圍繞。雨妙香華。高山峯雲而為
 供養。其佛為我說修多羅名無著法燈六千修多羅
 而為眷屬我皆受持。次有佛出名毗盧遮那吉祥藏。
 我於彼時為主地神名平等利益與無量地神俱。雨
 一切寶樹雲。一切寶藏雲。一切寶璽珞雲。一切寶莊
 嚴雲而為供養。其佛為我說修多羅名出生一切如
 來智藏無量修多羅而為眷屬我皆聽聞憶持不忘。
 善男子。如是次第五百如來其最後佛名法界虛空。

寶山圓滿吉祥燈。我於彼時身為妓女名可喜吉祥。
 面遇佛入城歌舞供養承佛威力。踊在空中以千妙
 偈讚歎於佛。佛為於我放眉閒光名普照法界光明
 莊嚴光照我身。一切徧滿。我蒙光觸即得解脫。名法
 界方便不退藏門。善男子。此世界中有如是等佛刹
 極微塵數劫。一切如來於中出現我皆承事恭敬供
 養令其歡喜。彼諸如來為我演說種種正法。我皆憶
 念如法受持乃至不忘一文一句。於彼一一諸如來
 所稱揚讚歎一切佛法。為無量眾生廣作利益於彼
 一一諸如來所得現三世法界藏住廣大法界身得

入一切智光明。入一切普賢行。善男子。我依一切智
 光明故。於念念中見無量佛。既見佛已。先所未得。先
 所未見。先所未聞。普賢菩薩所有妙行。悉得成就。何
 以故。以得一切智光明故。差別顯示無量無邊法界
 門。故爾時普救眾生。夜神欲重明此解脫義。承佛威
 力。為善財童子而說偈言。

善財汝應聽我說
 普光徧照於三世
 如我初發菩提心
 所證無邊解脫門

甚深難入難見法
 一切差別智明門
 勤求佛智諸功德
 為汝宣揚應諦聽

憶昔過刹極微劫
 刹號勝幢徧照燈
 於中十力出世閒
 初佛寶燄吉祥光
 第三法幢福須彌
 第五佛名寂靜王
 第七如來名稱山
 第九佛號吉祥光
 於此十佛世尊所
 此後次第有十佛

時有劫名無垢輪
 莊嚴廣大無諸垢
 量與須彌塵數等
 第二法王功德幢
 第四無畏自在王
 第六佛名寂靜城
 第八導師須彌德
 第十名為月面佛
 令我開悟最初門
 相續出興於世閒

最初佛號虛空住
 三名出生住諸方
 第五佛名高勝光
 第七如來法燄光
 第九出生蓮華王
 此十佛海光明照
 此後相續時無間
 第一如來光幢王
 第三佛名利益心
 第五如來名天智

第二如來名普光
 第四如來正念海
 第六世尊須彌雲
 第八如來名稱山
 第十大悲法界花
 令我悟入第二門
 次第復有十佛出
 第二佛名智慧光
 第四如來帝吉祥
 第六佛號尊慧王

第七佛名智吉祥
 第九勇猛天行佛
 此十能顯廣大法
 此後無間復值遇
 最初寶燄山吉祥
 第三佛號法光明
 第五智月妙眼佛
 第七善逝須彌德
 第九摩尼藏王佛
 此後次第有十佛

第八佛號光照王
 第十法界蓮華尊
 令我成就第三門
 次第相續十佛出
 第二功德吉祥佛
 第四佛名蓮華藏
 第六如來香寶光
 八名乾闥婆光明
 第十具足威德佛
 相續出興於世間

最初佛號廣大智
 第三如來功德雲
 第五苦行圓滿光
 第七世尊須彌德
 第九如來無勝幢
 此後次第有十佛
 初名帝德娑羅王
 第三佛號高顯光
 第五世尊地威德
 第七法海大智音

第二佛號寶光明
 第四佛名最勝相
 第六佛號那羅延
 第八功德輪圍王
 第十佛名大樹王
 相續出興於世間
 二名普現世主身
 第四佛名金剛光
 第六甚深法德王
 第八佛號須彌幢

第九如來智光照
 此後次第有十佛
 初梵光二虛空音
 第四圓滿光明輪
 六虛空燈七妙德
 第九福光寂靜德
 此後次第有十佛
 初真諦力智光明
 第三名為高顯光
 第五善逝法出生

第十妙寶吉祥王
 相續出興於世間
 第三法界像吉祥
 第五諸方智光幢
 第八徧照吉祥光
 第十大悲雲吉祥
 相續出興於世間
 二現一切眾生前
 第四佛號光明身
 第六名為速疾風

第七世尊吉祥相
 第九佛名寶肢節
 此後次第有十佛
 初佛願海吉祥燈
 第三堅固須彌德
 第五如來法智尊
 第七佛號德光幢
 第九智行法界門
 此後次第十四佛
 最初福山功德王

第八如來勇猛幢
 第十普現三世光
 相續出興於世閒
 二佛吉祥金剛山
 第四佛名念幢王
 第六佛名般若燈
 第八佛名廣大智
 第十法海智吉祥
 相續出興於世閒
 次佛名為智吉祥

第三如來法駕輪
 第五功德輪吉祥
 第七佛號須彌燈
 第九如來大寂聲
 十一眾生吉祥燈
 十三無能勝力幢
 皆於世閒為上首
 此後次第有十佛
 第一佛名法自在
 第三世尊海慧音

第四寶王吉祥佛
 第六普智燄光佛
 第八世尊迅疾光
 第十佛名寂靜幢
 十二大願速吉祥
 十四世尊智燄海
 普利一切諸眾生
 相續出興於世閒
 第二無著智如來
 第四眾密音調御

五名具足言辭佛

第七佛智自在轉

九等眾生吉祥身

如是須彌塵數劫

普為眾生作世燈

復過佛刹極微數

我於一切咸供養

我於如是無邊劫

汝今聞已速修行

第六妙音大吉祥

第八普現眾生前

十名德賢自性山

所有上首諸如來

我皆供養無空過

劫中所有諸如來

入此甚深解脫海

修行得此解脫門

不久亦當如我得

善男子。我唯知此菩薩普現一切世間調伏眾生解

脫門。如諸菩薩摩訶薩。集無邊行海。發種種解心。現
種種身。具種種根。滿種種願。入種種三昧。起種種神
通。成就種種方便。能作種種利益。遊入種種智藏。照
種種法門海。得種種法光明。往種種佛刹海。受種種
佛灌頂。事種種善知識。悟種種解脫門。證種種自在
心。起種種無作行。現種種難思色。順種種眾生心。起
種種變化身。入種種菩薩地。知種種法因緣。離種種
妄分別。依種種菩薩願。持種種佛遺教。安住出生普
賢妙行。而我云何能知能說彼功德。行善男子。去此
不遠。菩提場中有主。夜神名具足功德。寂靜音海。坐

星宿光幢摩尼王莊嚴寶蓮華藏師子之座百萬阿
僧祇夜神以為眷屬前後圍繞汝詣彼問菩薩云何
學菩薩行修菩薩道時善財童子頂禮其足繞無數
匝殷勤瞻仰一心戀慕辭退而去。

大方廣佛華嚴經普賢行願品卷第二十

校譌

第二紙北藏作二